

## ओ जी ओ मिजाजी म्हारां सांवरिया

ओल्यू आवे सांवरा,  
ओ मनड़े रा मीत,  
नैन मिला भरमा ग्यो,  
क्यों परखो म्हारी प्रीत.....

ओ जी ओ मिजाजी,  
म्हारां सांवरिया,  
ओ जी ओ मिजाजी,  
म्हारां सांवरिया,  
थारी बाबा ओल्यू आवै,  
बेगा आओ जी साँवरा,  
ओ जी ओ मिजाजी,  
म्हारां सांवरिया.....

थानें तो मनाव्वा घणां चाव सूं,  
थे हँस हँस कण्ठ लगाओ,  
ना तरसाओ जी, साँवरा,  
ओ जी ओ मिजाजी,  
म्हारां सांवरिया.....

ई दुनिया सूं न्यारो थारो, देवरो,  
थे रतन सिंघासन बैठ्या,  
हुकुम सुनाओ जी, साँवरा,  
ओ जी ओ मिजाजी,  
म्हारां सांवरिया.....

नैणा माहीं छलके थारो नेहड़ो,  
थारा टाबरिया रा अटक्या,  
काम बणाओ जी, साँवरा,  
ओ जी ओ मिजाजी,  
म्हारां सांवरिया.....

भूल्या थारा बालकिया ने नाहीं सरे,  
थारी जादूगारी मुरली,  
आज बजाओ जी, साँवरा,  
ओ जी ओ मिजाजी,  
म्हारां सांवरिया.....

भूल्योड़ा भटक्या ने थारो आसरो,  
म्हारी नैया नाथ पुराणी,  
पार लगाओ जी, साँवरा,  
ओ जी ओ मिजाजी,

म्हारां सांवरिया.....

जागरणो ग्यारस की चांदनी रात को,  
कोई बारस ने थे खीर चूरमो,  
खाओ जी, सांवरा,  
ओ जी ओ मिजाजी,  
म्हारां सांवरिया.....

जिम्या पाछे थारा हाथ धुवायस्या,  
कोई ल्यो दो बीड़ा मगही पान,  
चबाओ जी, सांवरा,  
ओ जी ओ मिजाजी,  
म्हारां सांवरिया.....

शर्मा काशीराम थारो बालकीयो,  
थारा कह्या कह्या हुकुम उठावे,  
यूँ ही फरमाओ जी, सांवरा,  
ओ जी ओ मिजाजी,  
म्हारां सांवरिया.....

ओ जी ओ मिजाजी,  
म्हारां सांवरिया,  
ओ जी ओ मिजाजी,  
म्हारां सांवरिया,  
थारी बाबा ओल्यू आवै,  
बेगा आओ जी साँवरा,  
ओ जी ओ मिजाजी,  
म्हारां सांवरिया.....

<https://alltvads.com/bhajan/lyrics/id/29313/title/oh-ji-oh-ji-mijaji-mhara-sanwariya>

अपने Android मोबाइल पर [BhajanGanga](#) App डाउनलोड करें और भजनों का आनंद ले |